



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԳԵՂԱՐՔՈՒՆԻՔԻ ՄԱՐԶՊԵՏ  
ՈՐՈՇՈՒՄ**

N 266 - Ա

06 հուլիսի 2020թ.


**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶՈՒՄ ՆԵՐՄԱՐԶԱՅԻՆ  
ԵՐԹՈՒՂԻՆԵՐԻ ՀԱՏԿԱՑՄԱՆ ՄԱՐԶԱՅԻՆ ՄՐՅՈՒՅԹԱՅԻՆ ՀԱՆՁՆԱԺՈՂՈՎԻ N 2  
ԱՐՁԱՆԱԳՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ**

Ղեկավարվելով «Կառավարչական իրավահարաբերությունների կարգավորման մասին» Հայաստանի Հանրապետության օրենքի 16-րդ հոդվածի 1-ին մասի և 19-րդ հոդվածի, «Տարածքային կառավարման մասին» Հայաստանի Հանրապետության օրենքի 5-րդ հոդվածի 3-րդ մասի դրույթներով և հիմք ընդունելով Հայաստանի Հանրապետության կառավարության 2001 թվականի օգոստոսի 16-ի N 762 որոշմամբ հաստատված «Հայաստանի Հանրապետությունում ընդհանուր օգտագործման ավտոմոբիլային տրանսպորտով ուղևորների կանոնավոր փոխադրումներն իրականացնող կազմակերպությունների ընտրության մրցույթի անցկացման կարգ»-ի 9-րդ կետի 10-րդ ենթակետի պահանջները

**որոշում եմ՝**

1. Հաստատել Հայաստանի Հանրապետության Գեղարքունիքի մարզում ընդհանուր օգտագործման ավտոմոբիլային տրանսպորտով ուղևորների կանոնավոր փոխադրումներն իրականացնող կազմակերպությունների ընտրության և ներմարզային երթուղիների հատկացման մարզային մրցույթային հանձնաժողովի 2020 թվականի հուլիսի 3-ի N 2 արձանագրությունը՝ համաձայն հավելվածի:

06.07.2020



Подпись: **ՀԱՆՔՅԱՆ** GNEL 1710830069

**ՄԱՐԶՊԵՏ՝  
Գ. ՍԱՆՈՍՅԱՆ**

ք. Գավառ

**ԱՐՁԱՆԱԳՐՈՒԹՅՈՒՆ N 2**

**ՀՀ Գեղարքունիքի մարզպետարանի «Հայաստանի Հանրապետությունում ընդհանուր օգտագործման ավտոմոբիլային տրանսպորտով ուղևորների կանոնավոր փոխադրումներն իրականացնող կազմակերպությունների ընտրության» մարզային մրցութային հանձնաժողովի**

**03 հուլիսի 2020թ.**

**ք. Գավառ**

2020 թվականի հուլիսի 3-ին կայացավ Հայաստանի Հանրապետությունում ընդհանուր օգտագործման ավտոմոբիլային տրանսպորտով ուղևորների կանոնավոր փոխադրումներն իրականացնող կազմակերպությունների ընտրության ՀՀ Գեղարքունիքի մարզպետարանի մարզային մրցութային հանձնաժողովի նիստ:

Մասնակցում էին հանձնաժողովի

- Նախագահ՝
- Քարտուղար՝
- Անդամներ՝

- Ա. Զոհրաբյան
- Գ. Խաչատրյան
- Ն. Մանուկյան
- Կ. Բաղդասարյան
- Լ. Գևորգյան

**Օրակարգում**

1. Մարտունի(Ա/Կ)-Գեղիովիտ-Մարտունի N26 ներմարզային ավտոբուսային երթուղու սպասարկումը դադարեցնելու մասին:
2. Մարտունի(Ա/Կ)-Արծվանիստ-Մարտունի N22, Մարտունի(Ա/Կ)-Զոլաքար-Մարտունի N25 և Մարտունի(Ա/Կ)-Աստղածոր-Մարտունի N40 ներմարզային ավտոբուսային երթուղիները սպասարկող ավտոբուսները փոխարինելու մասին:

**Քննարկվեց**

«Մարտունու ԲՈՒԱՏ» ԲԲ ընկերության տնօրենի 2020 թվականի հունիսի 29-ի գրությունը՝

1. Մարտունի(Ա/Կ)-Գեղիովիտ-Մարտունի N26 ներմարզային ավտոբուսային երթուղու սպասարկումը դադարեցնելու վերաբերյալ հարցը:

Նկատի ունենալով, որ ուղևորահոսքի բացակայության պատճառով երթուղու սպասարկումը դարձել է ոչ շահավետ, ուստի «Մարտունու ԲՈՒԱՏ» ԲԲ ընկերությունը առաջարկում է դադարեցնել Մարտունի(Ա/Կ)-Գեղիովիտ-Մարտունի N 26 ներմարզային ավտոբուսային երթուղու սպասարկումը:

2. Ելնելով երթուղիները սպասարկող տրանսպորտային միջոցների տեխնիկական վիճակից «Մարտունու ԲՈՒԱՏ» ԲԲ ընկերությունը առաջարկում է Մարտունի(Ա/Կ) - Արծվանիստ-Մարտունի N22 ներմարզային ավտոբուսային երթուղու հիմնական ավտոբուսը փոխարինել ՊԱՁ-672Մ մակնիշի, 365ՍՏ16 պետհամարանիշի (10-52Լ դեղին հիմնագույնի համարանիշ), 1985 թվականի արտադրության ավտոբուսով, իսկ Մարտունի(Ա/Կ)-Զոլաքար-Մարտունի N25 և Մարտունի(Ա/Կ)-Աստղածոր-Մարտունի N 40 ներմարզային երթուղիների պահուստային ավտոբուսը փոխարինել ՊԱՁ-32054 մակնիշի 34ԲՍ912 պետհամարանիշի (10-48Լ դեղին հիմնագույնի համարանիշ) 2005 թվականի արտադրության ավտոբուսով:

**Հանձնաժողովը որոշեց՝**

1. Հիմք ընդունելով ՀՀ կառավարության 2001 թվականի օգոստոսի 16-ի N 762 որոշմամբ հաստատված կարգի 58-րդ կետի պահանջները՝ դադարեցնել Մարտունի(Ա/Կ)-Գեղիովիտ-Մարտունի N 26 ներմարզային ավտոբուսային երթուղու սպասարկումը:


2. Հիմք ընդունելով ՀՀ կառավարության 2001 թվականի օգոստոսի 16-ի N 762 որոշմամբ հաստատված կարգի 69-րդ կետի 2-րդ ենթակետի պահանջները՝ Մարտունի(Ա/Կ)-Արծվանիստ-Մարտունի N22 ներմարզային ավտոբուսային երթուղու հիմնական ավտոբուսը փոխարինել ՊԱԶ-672Մ մակնիշի, 365US16 պետհամարանիշի (10-52L դեղին հիմնագույնի համարանիշ), 1985 թվականի արտադրության ավտոբուսով, իսկ Մարտունի(Ա/Կ)-Ջուլաքար-Մարտունի N25 և Մարտունի(Ա/Կ)-Աստղածոր-Մարտունի N40 ներմարզային երթուղիների պահուստային ավտոբուսը փոխարինել ՊԱԶ-32054 մակնիշի 34FU912 պետհամարանիշի (10-48L դեղին հիմնագույնի համարանիշ), 2005 թվականի արտադրության ավտոբուսով (հիմք՝ «Մարտունու ԲՈՒԱՏ» ԲԲԸ տնօրենի 2020 թվականի հունիսի 29-ի գրությունը):

3. Մարտունի(Ա/Կ)-Գեղիովիտ-Մարտունի N 26 ներմարզային ավտոբուսային երթուղին հայտարարել թափուր:

4. ՀՀ Գեղարքունիքի մարզպետի հաստատմանը ներկայացնել սույն արձանագրությունը:

Մրցութային հանձնաժողովի

Նախագահ՝



Ա. Չոհրաբյան

Քարտուղար՝




Գ. Խաչատրյան

Անդամներ՝



Ն. Մանուկյան



Կ. Բաղդասարյան



Լ. Գևորգյան